

Coux Bimoq, Gvaq Cieng Lo

FUK

Vahbouxbien: Cieng yaek daengz, Gvangjsih gak dieg diemj daeng venj daengloengz nem doiq, doengh aen hawciengz gai huq gig nauhyied, gizgiz cungj angqangq yangzyangz yawhbwh gvaq cieng lo. Seizneix lij miz vunz ganj ma ranz, miz vunz guh gaiqgwn, miz vunz cawx doxgaiq haeujcieng……



◀ 1 nyied 31 hauh, vunzmbanj Liujcouh Si Sanhgyangh Dungcuz Swciyen Yangzhih Yangh Mbanj-yungveij nyaengq guh youzgoj. Gyawj cieng, vunzlai laebdaeb cawx doxgaiq ma gvaq cieng, guh youzgoj, angqcoux haicieng. Beixnuengx Mbanjdung ngoenz sam donq cungj aeu gwn youzcaz, dieg de gvenq youq mwh yaek gvaq cieng caq youzgoj, eiqsei dwg bimoq doxcomz caezcup, saedcej engq hoenghwd.

(Gungh Bujgangh/龚普康 Liengz Siumingz/梁秀明 Lij Diz/李迪)



▲ Laebdaeb geij ngoenz, vunzmbanj Gveilinz Si Lungzswng Gak Cuz Swciyen Lozgyangh Cin Mbanjbaujcwng dawz doengh duz “diuqlungz” okdaej, dauq coih dauq dajcang, caiq ciu vunzmbanj lienh fouxdiuqlungz, yawhbwh youq bi duzlungz guh hozdung hoh haicieng. Diuqlungz faen song duz, duzboux caeuq duzmeh, song duz gak miz 12 hoh, 28 mij raez, gak youz mehmbwk caeuq bouxsai gingz duzlungz biujyenj. Fouxdiuqlungz dwg aen vwnzva minzsug hozdung Mbanjbaujcwng, dieg de cungj gvenq aeu fouxdiuqlungz bae hoh haicieng.

(Banh Cisiengz/潘志祥 Vangz Dungzgajj/黄同凯)

▲ 1 nyied 30 hauh, vunzlai youq aen hawciengz Nanzningz Si Roensanghaij cawx daengloengz. Cieng yaek daengz, luengq haw hongh gai Nanzningz Si cungj dajcang dwk hoenghwd hoengzfwg, haujlai vunz bae hawciengz cawx cih “fuk” caeuq doiqcieng daengj ma cang ranz, angqcoux cieng daej daengz.

(Yi Sienghceenz/喻湘泉)

► Mboengqneix, Aen Cungsim Ciengxhoh Goengloh laeng Hozciz Si Bahmaj Yauzcuz Swciyen ciu gyoengq bouxcoz guh hozdung gagnyienh fug-saeh. Yienhciegz, bouxgagnyienh caeuq vunzlai dauq ma ranz, bouxhaici byaij roen gyae haenx yinx roen, yawhdingh biuqci, raen vunzlai liz ndaej gyawj caiq ciepsongq daengj. Gyoengq bouxgagnyienh lij nda daiz soengq raemxdangz cawj hing, ceizraemxrouh, baumienh daengj, hawj vunzlai dauq ma ranz caeuq bouxhaici byaij roen gyae youq gwnzroen caemh roxnyinh aen sim raeujrubub.

(Loz Aiyez/罗爱月)

